



Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

II. Quot, & quaru[m] reru[m] Ideæ sint in me[n]te diuina.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

DVBIVM II.

*Quot, & quarum rerum Ideæ sint
in mente diuina.*

S. Thomas 1. p. q. 15. a. 2. & 3.

Assertio I. Non sunt à parte rei plures, & re ipsa distinctæ Ideæ in Deo. Ita S. Thomas hic q. 15. a. 2. & communis Doctorum; & patet generatim ex ijs, quæ de simplicitate, & attributis Dei in genere diximus contra Scotum & Gilbertum; nimur attributa absoluta in Deo à parte rei non esse distinctæ: sunt autem Ideæ prædicta quædam intrinseca Dei, & quidem absoluta, quæ nullam habent realem relationem ad alterum; non personalia, seu realiter relativa.

Assertio II. Possunt tamen ratione distinguui, ac re ipsa quoque ita distinguuntur plures Ideæ in Deo. Ita S. Thomas eodem a. 2. & communis Doctorum. Patet ex S. Augustino lib. 83. qq. q. 46. vbi simpliciter plures Deo Ideæ tribuit, & ait: *singula proprijs rationib[us] creat[ur]a sunt. Ratio est. Quia Idea in Deo non est ipsa essentia diuina sub ratione essentiæ, sed sub ratione conceptus formalis creaturarum: quales conceptus, per comparationem ad varia obiecta, recte inter se ratione distinguuntur & multiplicantur.*

Assertio III. Ideæ plures in Deo ratione distinguuntur, non ipsius Dei, vel beati, sed viatoris tantum; et si Deus quoq; ratione nostra distinctas cognoscet, Ita generatim docuimus de attributis diuinis, & in specie hoc loco tuerit Valsquez disp. 73. et si non nulli alter sentiantur; primum iij. qui docent, ideas in Deo solum distinguiri per intellectum diuinum, vt vult Thomas Argentina in 1. d. 36. q. 1. a. 1. sed absq; fundamento: deinde alij, qui docent, tam ideas, quam cætera attributa diuina, non sola ratione nostra, sed etiam intellectu diuino distinguiri; in quib[us] Henricus quod. lib. 9. q. 1. Egidius, Capreolus in 1. d. 36. & vtrapparet S. Thomas hic quæst. 15. a. 2. ad 2. vbiait; *Deum intelligere plures rationes rerum & plures ideas esse in intellectu suo. Et clarus ad 3. ait: dicendū, quod huiusmodi respectus, quibus multiplicatur idea, non causatur a rebus, sed ab intellectu diuino, comparante essentiam suam ad res.* Et similiter ad 4. ait: *Respectus multiplicantes ideas, non sunt in rebus creatis, sed in Deo. Non tamen sunt reales respectus, sicut illi, quibus distinguuntur personæ. Idem clarus docet S. Thomas 1. cont. gent. cap. 54. & sequuntur Ferratiensib[us] idem, & Caietanus, ac Thomistæ rececentiores hic cit. art. 2.*

Sed ratio nostræ assertioñ est. Tum quia intellectus diuinus, & beatorum, intelligit res, prout sunt à parte rei; neque adeo per se relate intelligit, quod relativum in se non est; sed Ideæ in Deo re ipsa non habent relationem ad creature, vt dictum, & docet S. Thomas cit. q. 15. a. 2. Tum quia ille solum ratione distinguit id, quod à parte rei vnum & simplex est, qui pluribus conceptibus rem intelligit; non quia nō uit solum rem ab alio pluribus conceptibus concepi: hoc est enim ratione distinguere, quod intellectu & intelligendo distinguere, seu per intellectum distinguere; ita vt intellectus det & faciat distinctionem, detque denominationem distinctionis; quod

non potest facere, nisi ipsa intellectio sit multiplex & distincta. Quod si sola pluralitas obiectorum, ad quæ vñus, idemque simplex actus refertur, aut referri ab aliquo potest, sufficit ad distinctionem rationis, tum iam absque omni intellectu ideas cognoscente, erunt distinctæ idea in Deo; qui à parte rei versantur circa plura obiecta.

Quia tamen Deus nostram intellectiōem intelligit, qua nos, ob imperfectum nostrum cognoscendi modum, ideas distinguimus; ideo Deus utique etiam Ideas ratione nostra, adeoque per respectum ad nostrum intellectum distinctas esse intelligit. Quo modo etiam admitti potest, plures ideas in Deo esse ab æterno; quia Deus ab æterno eas per respectum ad nostrum intellectum, seu cognitionem futuram, ratione distinctas esse intelligit: præterquam quod earum quoque fundatum, quod est pluralitas obiectorum, est æternum: cum tamen ne sic quidem Deus ab æterno dici possit creator, vel Dominus; cum eius denominationis seu relationis fundamentum, sit actio transiens Dei, quæ æterna non est, vt dictum supra q. 7. dub. 2. et si Valsquez cit. disp. 73. num. 9. dicat, non posse dici plures ideas in Deo ab æterno, nisi fundamentaliter.

Assertio IV. Rectè simpliciter & absolute dicuntur plures Ideæ in Deo. Ita S. Thomas hic art. 2. & communis Doctorum, quæ sumitur ex S. Dionysio, & S. Augustino locis cit. dub. præced. licet Albertus in 1. d. 36. art. 9. & Aureolus dist. 36 part. 2. art. 1. putent, commodius dici, vnam tantum ideam esse in Deo plurim rerum, quam plures ideas; sicut & Durandus in 1. dist. 36. quæstio. 4. ait: melius dici plures rationes idealis in Deo esse, quam plures ideas; si idea sit ipsam essentia diuina; hac enim non est multiplex.

Ratio tamen assertioñ sumitur ex dictis. Quia idea diuina est essentia diuina, sub ratione concepti, seu Verbi creaturarum; quod penes diuersitatem obiectorum, ratione nostra rectè multiplicatur: sicut etiam absolute sepe Deo tribuimus plures conceptus & volitiones, videlicet ex parte obiecti, & iuxta nostrum concipiendi modum, seu per distinctionem rationis; quæ limitatio ex subiecta materia per se intelligitur.

Idem dicendū est de exemplari; siue illud placeat cum S. Thomas distinguere ab idea; siue non: est enim quo ad hoc, parviusq; ratio, & S. Dionysius citatus dub. præced. assert. 6. absolute plura Exemplaria in Deo constituit, et si contrarium dixerit Richardus in 1. d. 36. a. 2. q. 3. Secus est de intellectu, scientia, & arte, in diuinis: quia haec cum actum quasi primum, aut certe complexionem plurium actuum significent, non multiplicantur penes diuersitatem obiectorum materialium, vt recte Valsquez cit. disp. 73. c. 3. contra Alensem in 1. part. quæst. 2. 3. memb. 4. art. 1. qui de arte diuina aliter loquitur.

Assertio V. Ideæ rerum possibilium in Deo sunt infinitæ, rerum autem existentium tot sunt, quæ sunt res existentes, aut futura, habentes in Deo proprias ideas. Ita Suarez hic libro tertio, capite quinto, numero decimo quarto, ex communi, & sequitur ex relata doctrina S. Thomæ, quod ideæ tam sint rerum possibilium tantum, quam existentium: licet Exemplaria, tantum sint rerum futura-

futurorum, seu quandoque existentium. Supponitur autem, infinitas res esse possibles, quibus distincte ideas respondeant, ut mox dicetur.

Assertio VI. Sunt in Deo ideas propriæ & distinctæ omnium substantiarum perfectarum, seu actualliter quandoque existentium, seu tantum possibilium, secundum rationes individuas: an etiam secundum rationes specificas, & genericas, incertum est. Prior pars est S. Thomæ hic quest. 15. art. 2. ad 4. & communis Doctorum, contra Henricum quodlib. 7. quest. 15. & Platonem, qui posuit proprias & distinctas rerum Ideas solum, secundum rationem specificam, non individuam. Ratio est. Quia ideas sunt principia operandi ad extra, & pertinent ad cognitionem Dei practicam; que verlatur circa individua. Actio enim est circa singularia, & id quod per se fit, sunt individua, non species vel genera.

Secunda pars declaratur. De generibus enim & speciebus diversimode sentiunt Doctores S. Thomas loco citato ad 4. secutus Platonem, ponit proprias & distinctas ideas rerum secundum rationes specificas, non genericas: quia nuncquam genus nisi in aliqua specie. Suarez libro tertio capite quinto, numero vndecimo, & Vasquez disput. 74. numero sexto, probabiliter negant, dari proprias & distinctas ideas rerum secundum rationem quoque specificam: idque probatur confutatio, ei, quam ex S. Thoma de ratione genericâ attulimus: quia nuncquam species fit, nisi in aliquo individuo: nec sane ratio esse videtur, cur non dentur ideas generum, si dantur specierum.

Assertio VII. Materiæ & formæ per se sigillatim, non dantur propria & distinctæ ideas. Ita S. Thomas eod. artic. 3 ad 3. ex communi; consentiente, quod materiam, etiam Platone. Ratio est: quia ideas sunt rationes & prototypa rerum facienda rum: adeoque propriæ & distinctæ sunt earum tantum rerum, quæ per se sunt: at neque materia, neque forma per se sunt, sed solum composita. Addit. S. Thomas ibidem aliam rationem, quod materia secundum se neque esse habet, neque cognoscibilis est; quam omittit: ut & illam Platonis, quod materia non sit creata; adeoq; idea non causa materiæ, sed concausa: sed quia nos ponimus materiam creatam à Deo, non tamen sine forma, habet quidem materiam ideam in Deo, non tamen aliam ab idea compositam, inquit ibidem. S. Thomas ad 3. supponendo scilicet materiam non fuisse initio informem, de quo disp. 6.

Assertio VIII. Malorum itidem nullæ sunt in Deo ideas propriæ & distinctæ. Ita S. Thomas cit. art. 3. ad 1. ex communi. Ratio est. Quia mala vi non sunt per se entia, sed tantum defectus entium; nec per se sunt, sed per accidens; ita nec depositunt ideas proprias & distinctas ab idea subiecti in quo sunt, & formæ illius, quarum sunt priuationes: quamvis nihilominus distinctæ & secundum se à Deo cognoscuntur, ut superius dictum.

Assertio IX. Accidentia, quæ inseparabiliter concomitantur subiectum, quia simul sunt cum subiecto, non habent proprias ideas, an habeant alia

accidentia, quæ superueniunt subiecto, quæque adeo non necessariò simul sunt cum subiecto, incertum est; probabilius negatur. Prima pars est S. Thomæ citata quæstione decima quinta, articulo tertio ad quartum. & communis Doctorum, quam tueatur etiam Gregorius de Valentia hic quest. 15. punct. 4. Suarez cit. cap. 5. num. 13. et si contrarium doceat Vasquez disp. 74. cap. 3. idque bene probat ratio S. Thomæ in assertione allata; maxime si confirmetur ratione partis posterioris, quam tradunt Suarez & Vasquez loco citato, et si contrarium doceant S. Thomas, & Thomistæ recentiores, quos sequitur Gregorius de Valentia loco citato.

Ratio est. Quia propriam ideam habere non debet in mente artificis, nisi quod per se fit ab eo: at vero accidentia per se non sunt à Deo; non solum, quia non habent esse per se; sed etiam quia omnia habent se per accidens respectu eius, quod per se fit: numerum ipsius compositi, seu substantiae completae. Secus fit in artificiis creatis; qui cum per se, artes sua non producant substantiam, sed solum accidentia, puta certam figuram, formam, seu picturam, sonum, &c. propriam accidentium, non substantiae ideam requirunt. Ex quo soluitur ratio contraria. S. Thomæ ibidem ad 4. Artifex, inquit, per formam dominus facit omnia accidentia, quæ à principio concomitantur domum: sed ea quæ superueniunt domui iam facte, ut picturæ, vel aliquid aliud, facit per aliquam aliam formam.

Et confirmatur assertio 1. Quia materia & forma 8 ideo non habent propriam ideam, quia non per se sunt, nec per se habent esse: eadem, & maior est ratio accidentiū n. 2. quia cum accidentium Est, sit inesse, ita saltem ut secundum ordinariam Dei legem nunquam per se existant: nec vero etiam substantia existere possint sine accidentibus, his velillis, etiam si ex sua ratione singula sint à subiecto separabilia, existimandum est, Deum habere omnium substantiarum completarum in individuo, proprios & distinctos conceptus, adeoque proprietas & distinctas species, secundum infinitam varietatem, & combinationem omnium omnis generis accidentium.

Nec refert, quod sèpè accidentia fiant à Deo, abs quoniam productione subiecti; idque utique secundum rationem & paradigma certæ alicuius ideas: quia nihilominus ad hoc seruire potest conceptus ipsius substantiae, quatenus talia incidente modifica ta concipiuntur: sicut idea figure domus sèpè est substantia; cum tamen non nisi figura domus fieri debat: immo solius accidentis per se conceptus, non potest sufficienter seruire, ad productionem accidentis cum in hæsiōne in ipsa substantia; cum de absolute potentia fieri possit accidentis extra substantiam; ipsiusque accidentis essentia non consistat in actuali in hæsiōne in subiecto, præterim hoc vel illo particulari, in quo producenda est. Quia tamen, ut recte notavit Vasquez loco citato, hæc res tota ad quæstionem portius nominis pertinet,

non est de ea magnopere con tendendum.